

Scona.

soli ubertate nobilitata, ad alteram *Tai* ripam planior procumbit. In hac è regione *Perthi* trans *Taum Scona* celebre olim monasterium, regibus *Scotiæ* inaugurandis venerandum visitur; ex quo *Kenethus Pictis* in proximo ad internecionem occisis, saxum ex *Hibernia* in *Agatheliam* translatus regibus *Scotorum* consecrandis lignea cathedra inclusum hinc collocaverit, quod *Rex Edwardus Primus Angliæ* *Westmonasterium* deferendum curavit. De quo vaticinium vulgo jactitatum, quod cum nunc fidem invenerit, ut id genus paucula, subjungendum curavi.

*Ni fallat fatum, Scoti quocunque locatum
Inveniunt lapidem, regnare tenentur ibidem.*

ADDIT.

Nunc autem *Scona* *Davidi de Moravia* sive *Murray* Regis *Iacobi* speciali gratia Baronis titulum præstat. [Postea hic creatus est vicecomes de *Stormont*, eraoque hoc penitus monasterio, adeo ut ne minimum quidem ejus vestigium videre est, eo loci elegantissimum ædificavit palatium, una cum amœnissimus hortus, sed nulla prole relicta, virtute chartæ *Taliæ*, post decessum *Quint-Ierni* ejus hæredis sine

liberis defuncti, dominium hoc jam cessit *Iohanni Comiti de Annandall*.]

Vbi jam *Taus* grandior se dilatat, *Arrol* impendit, inclytorum Comitum *Arrolia* habitatio, qui à *Brusiorum* temporibus hæreditarii fuerunt *Scotiæ* Constabularii, & originem sane vetustam repetunt ab *Hajo* quodam viro validissimo, qui cum filiis inclinatum *Scotorum* aciem in difficili contra *Danos* prælio ad *Longcarty*, arrepto jugo, adeo fortiter & feliciter pugnando & adhortando restauravit, ut victoriam reportaverint, Rex regniue ordines illius virtuti victoriam & salutem retulerint. Vnde hoc loco sibi & suis agri feracissimi assignati, qui in rei testimonium jugum pro crista insignibus superposuerunt. [Hæc *Arrolia* Baronia nuper vendita per Dominum de *Kingorn*, avunculum hujus Comitum *Arrolia*, Comiti de *Duplin*.] De *Huntley* castro adjuncto nihil est quod scribam, nisi quod amplissimæ & honoratissimæ familiæ nomen fecerit: de qua suo loco. [Errat hic *Camdenus*, non enim hæc Baronia nomen dedit familiæ *Huntley*, sed alia illa quæ versus meridiem in *Tivedalia* vel *Mercia* sita est. Baroniam vero hanc à Domino *Gray* emit pro Dominis de *Kingorn*.]

ADDIT.

ADDIT.



P R O.